

# INUIT ATAQATIGIIT INATSIARTUNI



UPA2022/070 & 120

10. Maj 2022

Agathe Fontain

**Inatsisartut aalajangiiffigisassaattut siunnersuut Inatsisartunut Siulittaasoqarfik partiit tapiissutaat pillugit inatsimmi allannguutissatut siunnersuummik saqqummiussinissaat1 Namminersorlutik Oqartussani ukiumut sipaaruteqartarnissaq aammalu partiit akunnerminni aningaasatigut naligiinngissuseq annikillisarnissaa siunertaralugu. Partiinut tapiissuteqartarneq pillugu inatsimmi allannguutissatut siunnersuuteqarnermi suliniutit uku ilaatinneqassapput: 1. Partiinut tungaviummik tapiissutit ukiumut 1 million kr.-mut qaffanneqassooq 2. Qaffasinnerpaafissaanut killiliusaaq atuutsinneqalissaaq taamaasilluni annertunerpaamik qinigaatitanut tapiissutigineqartartoq qinikkanut arfinilinnut killiliunneqarluni.**

(Inatsisartunut ilaasortaq Jens-Frederik Nielsen, Demokraatit)

**Inatsisartut aalajangiiffigisassaattut siunnersuut, Inatsisartut Siulittaasoqarfiat peqquneqassasoq siunnersuummik saqqummiussissasoq, Naalakkersuinikkut partiit ingerlatsisut naatsorsuutaasa tamanut saqqummiunneqartarnerat pillugit Inatsisartut Inatsisaat allanngortinneqarnissaannik1 taamaasilluni partiimut 10.000kr. sinnerlugu aningaasaliissuteqarsimanermi partiip naatsorsuutaanni kina aningaasaliissuteqarsimanersoq taamaallaat allaqqanani, kisiannili aamma aningaasaliissutit qanoq annertutigineri aamma allaqqasalerluni. Aningaasaliissutigineqarsinnaasullu killissarititaa avaqqunneqarsinnaassanngilattaq inatsisitigut pisussaatitaasunit arlaliusunit avinneqarsimalluni.**

# INUIT ATAQATIGIIT INATSISARTUNI



(Inatsisartunut ilaasortaq Jens-Frederik Nielsen, Demokraatit)

Partiinut tapiissutit politikikkut sulinerup nukittorsarnissaanik siunertaqarput. Qanorpiaq, tapiissutit politikikkut sulinermit atorineqartassasut, piumasagaatitaqanngilaq.

Siunertaavorli, qinikkat qinersisartunik naapitaqarsinnaanissaannik.

Siusinnerusukkut qinersiviit qinersivinnik aalingersimasuningaaneerput. Kingornali qinersivik ataasiinnangormat, pisariaqartut isigineqarpoq, qinikkaat nuna tamakkerlugu angalanermikkut, paasisassarsiorlutik, aammalu qinersisartunik naapinnissinnaallutik angalasinnaanissat.

Uanga nammineq periarfissaq atortarpara, pitsaasutullu nalilerusuppara. Innuttaasut qinikkamik tikkineqarnertik iluarisaqaat, oqaatigigajullugu kiissami soqutigineqartut, nunamullu politikikkut suliaqartunik peqataatinneqartut misigisimasarlutik. Nunaqarfiit, illoqarfiilu avinnagsunerusumiittut tikissimasakka qassimi oqarpat, kiissami qinikkamik tikineqarlutik.

Minnerunngitsumik nunatsinni pissutsit piviusut nammineq isimik takusat, paasisassarsiorfigalugit pingaartut taasariaqarput. Siunnersuutit qassimmita qinikkatut angalanermiit aallaaveqarpat, qinersisartunik naapetaqarsimangikkaanni piviusunngitsoorsimassagalugit.

Siusinnerusukkut, partiinut tapiissutit ikinnerugallarmata, Inatsisartunut ilaasortat suliaat, siunnersuutaat tamaavimmik, Inatsisartoqarfiup allattoqarfianut suliassasarnikuupput, nutertinneqarnissaannut allaat. Piffisap ilaanni allannguisoqarpoq, siunnersuusiorneq, nutserneq, papialianik atuneq il.il Inatsisartoqarfiup isumagisarsimasaat, partiinut nuunneqarmata, akisussaaffigineqalerlutillu. Tassa imaappoq aningaasat, akisussaaffilu suliasartaat Inatsisartoqarfimmiit, partiinut nuunneqarmata, taamaattumik ullumikkut tapiissutit taamak isikkoqartut.

# INUIT ATAQATIGIIT INATSIARTUNI



Inatsisartuni ilaasortat amerlaneruppata, sullinissaat annertuneruvoq aamma aningaasartuutit amerlanerusarput.

Innuttaasullu qinersinermikkut partiit qassinik ilaasortaqaarnissaat aalingertarpaat.

Siunnersuut imminerminnut naleqqussarnerusutut isiginarpoq.

Siunnersuummi Inatsisartunut ilaasortat amerlanerpaamik 6-nut killiliinermi, amerlanerusunik oqarutta 12-nik ilaasortaataitaqarutta, taava sinneri arfinillit naleqanngitsutut pineqalissapput. Tamanna akuerisinnaannagu oqaatigissavarput.

Erseqqissaatigilara, tapiissutit isumaqatiginngikkaanni qinnuteqartariaqanngimmat. Partiit namminneq aaliangertussaammasuk qinnuteqarusunnerlutik.

Siunnersuutip aappaa isumaqatigalugu oqaatigissarvarput.

Isumaqarpugut pingaaruteqartoq, qinersisartunit ilisimaneqarpat, kikkut partiimut tapiissuteqartarnersut takuneqarsinnaappat.

Assersutigalugu Suliffeqarfeqarsinnaavoq aningaasarsiupilunnnissartik siunertaralugu partiinut aalingersimasunik tapiissuteqarnikkut , siunertartik anguniarsinnavaat. Ammasumik ingerlatigutta, tutsuiginassuseq partiit pigilissavaat. Imaassanngilarmi Suliffeqarfiit nammineq aningaasarsiornissartik kisiisa aallaavigalugit anguniagaqarpata, inuiaqatigiit ataatsimut isiginagit, sunniisinnaaneq pitsaanngitsuusinnaavoq ammasumik ingerlanneqanngikkuni.

Suliffeqarfiit , inuilluunit ataasikkat takuneqarsinnaanngikkaluamik partiinut tunissuteqarsinnaanerat killilimmik ajorinngilarput, killissaatalu annertussusissaa isumaqatigiinniutigisinnaallugu. Imaattoqassanngilarli

# INUIT ATAQATIGIIT INATSIARTUNI



tuniserusuttut killiussamut X 20 tuniseriarluni ersertitsinngitsoortitsinissaq  
periafiissaassasoq.